

արդարութեամբ խօսիլ 'ի Կոստանդինուպօլիս, և նա երգ-
մամբ հաստատէր չառնել թշնամութիւն ինչ, այլ բարիս :
Եւ ապա առեալ զՇէյխն մեկնեցաւ յերուսաղէմէ, և 'ի հա-
սանիլ նորա 'ի թագաւորեալ քաղաքն, Դիոնէսիոս վար-
դապետ, որ տակաւին էր անդ, գնաց առ նա ընծայիւք
'ի կողմանէ Փոխանորդին : Եւ զինի բանից ասէ ջլարդա-
պետն, թէ պէտ հրովարտակն ձեր ել, եւ ունին գնալ
Գործակալք յերուսաղէմ, սակայն գործ ձեր չկատարի,
մինչեւ ոչ եղցց ես դատաւոր քաղաքին : Եւ թէ՛ սիրտ
իմ ոչ բաժանի 'ի Յուսաց : այլ արարից ձեզ և թոյլտու-
թիւն ինչ վասն սիրոյ Պատրիարքին եւ ստէպ աղաչանաց
նորին : Էառ զդատաւորութիւնն 'ի միջնորդելոյ Շէյխին,
որ և մեռաւ անդ, և եկեալ յերուսաղէմ նստէր 'ի տան
իւրում, սպասելով լրման ժամանակի նախորդին իւրոյ :

Տեսցուք արդ թէ զինչ ունի գործել սա 'ի դատաւո-
րութեան իւրում :

Յետ այնորիկ ընթերցան զգիրս Փոխանորդին, յորս
մի առ մի պատմէր զամենայն անցս Դրան . թէ որպէս
հրամայեաց Արքայ պատուիրել նոր Դատաւորին գործակ-
ցութեամբ Նուրի Էֆէնտեայ կատարել զգործն Հայոց,
և թէ որպէս կոչեցին 'ի ժողով Նախարարաց զգործակա-
տարն Կուսակալին Դամասկոսի եւ յանդիմանեցին զնա
վասն անուղղայ գործոց Բդեշխին, և սաստիկ հրովարտակ
առ նոյն Կուսակալ՝ այլովքն հանդերձ : Գրեալ էր նաեւ
Դենպետն մեծ առ Մուսայ Էֆէնտի, ուր ասէր՝ գրեմ
առ քեզ հրամանաւ Արքայի կատարել զգործն արդարու-
թեամբ ընդ Նուրի Էֆէնտեայ, որպէս ցուցանէ քեզ հրո-
վարտակն, և եթէ դու եւս հակառակեսցիս ըստ նախոր-
դին քում, մի կարծեր թէ միայն յաքսորս դատաւարտիս :
Նոյնպէս գրեալ էին և մեծամեծք Դրան և Զէքի Էֆէնտի
առ Նուրի, զի զմտաւ ածեալ զվախճանն՝ արթնութեամբ
կատարեսցեն զգործն : Հանդիսիւ ընթերցեալ զգիր Դա-
տաւորութեան Մուսայի՝ հաստատեցին զնա յիշխանու-
թեան իւրում ('ի 29 Հոկտեմբերի) : Իսկ Զուխատարն ե-
մուտ առ Դատաւորն եւ ասէ՝ Դենպետն զայլ ոք ունէր
կացուցանել 'ի տեղի աքսորելոյն, այլ զի՛եալ նորա 'ի
յնդիրս Հայոց զքեզ կացոյց, սոյնպէս և գրեալ էր Փո-